

T4496/8157 (1)

特等第 叁拾捌名

尊經書院



五 辛

天果有知 忍信吾師 哭世  
人強乞祀 却為我輩 寒心

再對世身大人 靈在

此為兄用 承骨拜乾

穢詞圓道膏翁未刺次可詩起

心佳

膏

曰何如斯可謂之鄉原矣曰何以是嚶嚶也言不顧行行不  
顧言則曰古之人古之人行何為踽踽涼涼生斯世也為  
斯世也善斯可矣闔然媚於世也者是鄉原也萬章曰一  
鄉皆稱原人焉無所往而不為原人孔子以為德之賊何  
哉曰非之無舉也刺之無刺也同乎流俗合乎污世居之  
似忠信行之似廉潔眾皆悅之自以為是而不可與入堯

舜之道故曰德之賊也

欲知鄉原之為人亦觀其志與行可也蓋既謂之鄉原則其反乎  
狂獯可知矣萬章問而孟子明其志行如此此其所以為德之賊  
歟且古之所謂作偽小人者必其欺世盜名之術愈變愈工有不  
至盡蔽天下之耳目而不止者蓋陰柔其天性而深情厚貌儼託  
真誠渙恐其本懷而屈己徇人遑知愧怍不相習而強為習不相  
謀而常與謀而大中至正之途遂不覺隱為竊據矣孔子之以鄉  
原為德賊者以其反乎狂獯也反乎狂獯則其志非狂獯之志行  
非狂獯之行可知矣乃萬章不知其何以反乎狂獯也故問曰何  
如斯可謂之鄉原章蓋欲究其為人也孟子曰夫鄉原者吾嘗觀  
其意矣以為言大而夸志大而矯之情非所以以身酬接生當叔  
季而慨慕黃農吾不知有古無今何以竟成為宇宙以為眾醉獨

醒衆濁獨清之概、非所以與世推移、人尚圓通、而彼甘踈落、吾不  
知矯同立異、何以自遂其性情、推其意固謂生斯世、為斯世、但為  
斯世之善人可耳、噫、是閻然媚於世也、鄉原之謂也、然而章猶有  
疑者、疑夫一鄉皆稱其原則、必無往而不為原人、而孔子以為德  
之賊、又何謂哉、孟子曰、惟其然、正鄉原之所以為德賊焉、蓋其素  
志卑靡、舉神明中凝聚之情、一一加以掩飾、則外觀有耀疇不一  
望而相傾、而挾一義以自尊、遂侈然有聖賢之任、抑其素行苟且  
舉倫類中往來之事、在在用其彌縫、則善氣可迎、孰不相視而莫  
逆、而竊一理以自恃、遂居然為一世之英、衆皆悅之、自以為是如  
是、是其以忠信廉潔之似、而合乎流俗、汙世者、固非無舉、而刺無  
刺也、而謂其可與入堯舜之道乎、故孔子以為德之賊焉、三代下  
卽鮮真才、亦何至竊實據名、胥斯世而推為長厚、乃鄉原則本一

身而出、為兩域而區、而心性之安、儼若冒以終身、無人發其覆、其始黨同伐異、陰逞詭譎之情、薄古厚今、隱蓄欺蒙之意、其繼也、乃至柔脆而為肫實、聲譽相加、脂韋而假清純、推崇益廣、古今來世變之大、其遞推遞行、以至於莫可回者、大抵皆鄉原之有以開其本也、晚近來即多偽士、亦何至藉無為有、舉斯世而受厥牢籠、而鄉原則本一人為倡、而百人為和、斯中藏之蘊、早若默以相感、無自忌其才、其阿意取容、眾著之情、易飾、因人審己、獨行之志、益堅其蔽也、乃至名流競步、其程浸淫、莫辨豪傑、喜循其軌、濡染滋深、宇宙間人事之殊、其相逐相尋、以底不可挽、大抵皆鄉原之有以極其流也、自萬章一再問之、孟子一再明之、而後知鄉原之賊德者、以似亂正也、真不然、孔子奚為而惡之哉、

讀韓昌黎論今年權停舉選狀書後

德宗貞元十九年、因是歲大旱、關輔荐饑、故救權停舉選、韓公時  
為四門博士、抗疏論之、其言曰、人之失職、足以致旱、又曰、有君無  
臣、所以久旱之數語者、何其切中時弊耶、蓋以旱者陰陽之不順  
也、陰陽不順、國之大憂也、不急思所以弭憂之策、乃沾沾焉惟舉  
選是停、豈以停舉選為救旱奇策歟、不知舉選者、人才之所出也、  
人才者、國脈之所繫也、有舉選則人才自廣、有人才則國脈自培、  
今乃以旱故而停之、是所以塞人才之源、而傷國脈之本也、卽不  
然者、又豈與旱有益耶、如謂有益、不不過省此區區之費也、夫省  
區區之費、而廢有用之事、則又昌黎所謂其害實深者、一則遠近  
驚惶、二則人士失業也、揆厥由然、其立政無本、可知、其舉朝無人  
可知、然則人之失職、與有君無臣、二語、昌黎之所以忌諱者、豈非  
實有所感哉、

德宗貞元十九年、因是歲大旱、關輔荐饑、故救權停舉選、韓公時  
為四門博士、抗疏論之、其言曰、人之失職、足以致旱、又曰、有君無  
臣、所以久旱之數語者、何其切中時弊耶、蓋以旱者陰陽之不順  
也、陰陽不順、國之大憂也、不急思所以弭憂之策、乃沾沾焉惟舉  
選是停、豈以停舉選為救旱奇策歟、不知舉選者、人才之所出也、  
人才者、國脈之繫繫也、有舉選則人才自廣、有人才則國脈自培、  
今乃以旱故而停之、是所以塞人才之源、而傷國脈之本也、即不  
然者、又豈與旱有益耶、如謂有益、不不過省此區區之費也、夫省  
區區之費、而廢有用之事、則又昌黎所謂其害實深者、一則遠近  
驚惶、二則人士失業也、揆厥由然、其立政無本、可知、其舉朝無人  
可知、然則人之失職、與有君無臣、二語、昌黎之所以不避諱者、豈非  
實有所感哉、

賦得勸龍各一觴得觴字五言八韻

六龍如可攬美酒一相當但勸休辭醉相期各盡觴迴車迎

曙日酌斗挹瓊漿海外傳杯數雲中壓袖忙鱗分原視此鯨

吸本無妨風雨資羣飲瀛寰俯衆翔掉頭霞注灑探領麴流

芳猶冀搏枝駐壺中日月長